



O Volapükafiens Valöpo !

Din mu veütik pro Volapükans ün tim at binon kosäd. If no kosädo y ko Volapükans votik, primoy ad perön nitedi tefu pük. e. nog badikummo, muft primon ad dästürön.

Adelo kosäd binon jenöfot lifa. Bevüresod givon obes mögodi ad kosädön ko vol lölik. E cedob, das Volapükans anu elärnons ad frutidön medami at.

Büo, Volapükans no äkanons frutidön mögodi somik, keli juitobs ün tim at. Seko äsekidons de gaseds, num kelas äbinon gretik. Ädabinons seimikna tums gasedas in Volapük, ab ün tim obas ya enepubons.

Anu dalabobs gasedi Volapükik te bali, sevabo : „Sirkülapenäd.” ab bü on, ün tim kinik äkanoy-li reidön gasedi somik? Tü del 31. mázula äpubon yelod balid „Volapükagaseda pro Nedanapükans,” kel ädulon jü yel 1958, ün tim kelik ävedon : „Volapükagased : Zänagased pro Volapükaneft.” Ab ün yel 1962 äfinon. Poso pätuvons padadils tiädü : „Volapükagased” in nüks ömik gaseda „Union” za yel 1970, ab vero nek ädabinon ko löf e ko nited saidiks ad savön jäfidoti at Volapüka pro obs, kels ökömobas latikummo.

Poso yels teldeg äpasetikons nen gased Volapüka. Ab ün 1989/1990 äprimob dabükoti „Peneda Komunik pro Volapükafiens,” kel ävedon : „Sirkülapenäd pro Volapükans Valöpo” latikummo, e keli kanoy reidön almuliko.

Ab pos dead obik, onepubon-li gased Volapükik nogna? Obinon-la ek, kel löfon Volapüki somödiko, das orefudon ad leadön perön gasedili somik. If no, obinon-la-li tim lunik votik ven dag onexanon sui pük? Nemu obinon volaresod, ab valikans no labons nüñömi. Pro utans, Volapük udeaddon! No leadobsös jenön atosii!

Valikosi Gudikün Oles ed Olikanes

sedom

*Ralph*

KLEILÜKOLÖD, BEGÖ! SÄKÄDI OBIK

Reidan epenom, ad sagön, das dif vü : LIO, LIÖ e VIO no binon kleilik ome

-----

1. LIO binon säkavöd, samo :

- a) Lio stadol-li ?
- ä) Lio kanoba yufön oli ?
- b) Lio binon saun fata olk ?
- c) Lio lükö moy lü zif ?
- d) Lio jäfidon mufükian ?
- e) Lio vilom-li tävön ?

2. Nog dabinons säkavöds votik pefomöl me säkavöd „LIO” samo :

- a) Liofagotik binon dom ola de zif ?
- ä) Liofütürik olödons mens su Mard ?
- b) Liofütüro kanons büosagans logön ?
- c) Liogretik binon tood oma ?
- d) Liogretotik binon vataninädian ?
- e) Liokodo zanof ko nilädans ?
- f) Liomaädö vilons sofälükön tirenani ?
- g) Liomödotanaedik odunobs tävi at ?
- h) Böds liomödotasotik lifons in fot nilik ?
- i) Midun oma liomödotid binon ?
- j) Liomödotidna elovenafol love Latlantean ?
- k) Sevol-li, lifayelis liomödotik labof ?
- l) Liomödotikna evisitols palis ?
- m) Vobodis liomödotiknaik edunoms ün vig pasetik ?
- n) Pük liosotik binon ?
- o) Lioeuno kanoms kömön isio ?
- ö) Lioveltotik binon lesüt zifa ?

3. LIÖ pagebon soalliko as lintelek :

- a) Liö! nemof-li obi tífani ?
- ä) Liö! no äkanom-II suemön cedi obsik ?
- b) Liö! neai vilons-li kolkömön ko ob dönu ?
- c) Liö! esagoms somikosi nen saido tikön ?
- d) Liö! logol cipi in log bloda olik, e no küpol bemi in log lönik ?

4. VIO binon ladvärb tefik, e pagebon soiko :

- a) Logolsöd vio löfof omi !
- ä) Äkonons vio Itävons da läns mödik;
- b) Küpedolös vio dunoy vobodi at;
- c) Vio suvo elilob kaniti et;
- d) No kudolsöd vio ospikoms oles;

5. Nog dabinons vöds votik pefomöl me ladvärb tefik „VIO” :-

- a) Säkob obi, viomafädo kanob sufön kondöti somik;
- ä) Vilons sevön, viomodo odunons vobodi at;
- b) E sufädi viomödik ämutoms jonön ole !
- c) Viovemo ämutobs säkusadön omis.
- d) Pötis viomödotik elustebedols !

□ □ □ □ □ □ □ □ □ □ □ □ □ □ □ □

### SAP

Dabinon konotül in Larabänapük, ma kel tidäb visitom sapani ad säkön omi : „Lio kanob-li vedön spikotan gudik ?”

Sapan ägespikom: „Dalilolös, o son obik.”

Pos tim brefik, tidäb äsagom : „Dalilob, o tidan, fövolös tidi olik, begö !”

Sapan äsmilülom : „No binos votikosi ad sagön.”

TÄVAVENTÜR IN KURDÄN (VIII)  
FA DOKAN KARL MAY

Blig kol lom e net būdon, das bitoy as man. Mutoy dalabön gespiköfi verätik, va kurado u käfiko, neifo u - böb odugon jü zeil. Nu no ipölob; bældikūnan vilaga, dū timil, das älogom stifiko ini mud gūna obik älüodom lū on. Somikosi neai būo ijenos ome; ädredom.

„O söl, golob !” äsagom fino; äflekome oki ed änepubom. Nu päsüadob, das idagetob lenämi pleda. Älüodob nu mudi gūna obik jü son, kel äbinom nen vafs.

„Gololöd ini gul et !”

Äbleibom stanön ko kurad todälük e log omik äsukom völi po ob, ta kel vafs älagons.

„Onumob jü kil äsagob ome. „Bal - - tel - - ” Nevifiko äflekome oki ed ägolom ini top pemalöl. Vom yunik ästanof nog fo ob. Logod ofa äbinom funik, ed in logs ofa ädremos drenafulik e dredälük.

„O Quodiè, (= lesöl) odeidol-li obis jenöfo? äsäkof nelaodük.

„Älä yà fedak - God jelomös oli !” ägespikob Larabänapüko.  
„Krgan no deidom vom!”

„Ab odajütöl-li eli *Hamsa Mertal*, matani obik?”

„Si, if konsälalef krganas no osludon, das olibol.”

„Sevol-li südis Kurdänanas,” *éfendi* ?” (= o söl).

„Si !”

„I sevol-li, das bevü ons binom lesefik utan, kel ejelom vomis ?”

„Si !”

„Vilol-li, das ojelob oli ?”

„Obi-li, obikanis, nimis oba, e valikosi, kelosi dalabob ?”

„Si !”

„So dasumolöd bodi !”

Äsumof bodi glöplik de tapäd, ädabreikof ledili se zänod, äfidof bodi e id ägivof obe.

„Givolös nami olik obe e kömolös !” äsagof täno; „ogivob i manes i nimes ola.”

Nu äbinob lesefik nemuiko anu. If te äsumoföv de siem boda, nog ädotob-la to atos tefü sef at.

Ven dönu ägekömobs se spad votik, el *Hamsa Mertal* ilöstanom de gul.

„Gololöd !” äbüdob omi, „e sagolöd ele *bav*, (= fat) olik, utosi, kelosi elogol ! Lio flor doma olik panemon-li ?”

Len Kurdänans spikoy ai nemütikumo dö vom, ka len nets smalik Slamik votik.

„*Jefaka !*” (= Gödaredöf) ägesagom.

„So sagolöd kriganes, das pajelob fa jiel Gödaredöf, e das elagob vafis obik len olikans. Daloms seko nükömön ini dom oksik.”

Älagob vafis ta völ, ägleipob ini zön ed esezugob särvigakedi somik, keli kanoy remön in zif Paris nejerikumo, ka pro fran bal. Älagob kedi zi särvig ji-Kurdänana jönik.

„Dasumolös, o *Jefaka*; nid cügas olik e stral logas olik litükonsös ai pärlatis at !”

Cügs ofa äredikons demû lelâb.

„*Ēfendi*, (= o söl !) danob oli. Olödol len ob so sefiko äsliko in vüm ela *Ibrahim*, pasetafata. Dälölös, das oblinob drini e zibi ole, e täno takedolös e färmükolös logis ola nenkudo.”

Äjenos, vio isagof. Äfidob ed ädrinob, e poso äseatob ad takedön. Ven ägalikob, lestil äbinon in dom, ab plödo älilob vögi kleilik, kel äflagon lekredanis ad plekön eli *el Asr* (= plek poszedelik). Islipob lunüpo e nek iriskon ad tupön takedi oba. Ven änükömob ini dil votik doma, els Halef e *ceside* äseatoms slipöls bevü jevods. Ädälob, das bleiboms slipön, ästeigob ini zön günilis e neifi, ed ägolob foi dom. Plek pifinon, e krigans mödik äseadoms ad smokön in sirkül. Lotans bofik oba äbinoms len oms.

El *Jeri Jir* älöstanom, e votikans ko om. Alikans omas ägivoms namis obe ed ämutob seadön len oms.

„Kisi esludols tefü ob-li ?” äsäkob eli nezanum (= cîf).

„Gödared liton love ol,” ägespikom. „Binol sefik bisä blibol in vilag obsik.”

„Danob oli; obinob sefik i nog poso, if odelo ulüvob vilagi. Logedolös bledi bal us nilü kvärepatuig. Mälna ojütob, e hogs mäl opubons in bled in lien stedik.”

Äsezugob günili ed äjütob. Pos jüt mälid, alikans älöbunoms. Bled pädeköton e pägivon de nam ini nam. Stun manas at no äkanon pabepenön.

Äkanoms suemön ni fümi at jüta, ni dinädi pro oms lemilagiki, das äkanob jütön, nes gelodön günü. Stüm kol ob äglofon leigo fövo as dred, keli äsenoms tefü ob.

Te pos stun lunik, äseadoms dönu in plads büik. El *Hamsa Mertal* äblinom pipi obe, ed ämutob nu konön, vio ipromob atosi gödo fate omik.

(Fövoti konota at kanols reidön ün mul okömöl).

SMILÜL

Smilül frädon nosi, ab givon mödi. Liegükon utanis, kels getons osi, nes pöfükön utanis, kels givons. Te flagon pülatimili, ab semikna mem osa dulon laidio. Nek binon so liegik u nämädik, das kanon lifon nen os, e nek so pöfon, das no kanon paliegükön me os. Smilül jafon läbi in lom, födon plüdi in büsid, e binon mäk flenalöfa. Blinon takädi favikanes e kuradükami lügikanes, e binon nata tavenenamedin gudikün ta töb, ye no kanon paremön, palubegön, paloenön u patifön, bi binon bos, kel no völadon pro seiman, bisä pamogivon.

Anikans fenons tumödiko ad givön smilülü ole; givolös ones bali de ol, bi nek neodon smilülü sovero as utan, kel no plu labon bos ad givön.

Lautan nepesevöl

(Fa flen Hermann Philipps se Linglänapük petradutöl)



TU GEILIK - LI ?

Joför fledavaba vilom vabön dis pon, ab tuvom, das fledavab labon zimmetis tel jenöfo tumödikis ad kanön dunön osi.

Stöpom fledavabi flanü süt däsperiko, e säkom hicili, kel beigolom, va dabimon veg votik.

Kikodo vilol-li tuvön vegi votik?" säkom cil.

„Bi fledavab obik binon tu geilik ad vabön dis pon at“  
gespikom joför.

„If ogivol obe leurodis lul,“ mobom cil, „osagob ole vio kanol stirön fledavabi olik dis pon.“

Sevol-li viomodo joför kanom vabön dis pon nen tuvön vegi votik ?

## NUNILS SE VOL LÖLIK

### RIG MUNA

Bū yels kil, nolavans niveras zifas Tokyo (Yapān) e Colorado (Tats-Pebalöl) ānunoms, das ma nūnōmasūmādots, mun pāmoton sekū kobojoik tala ko planet votik, gretota sūmik Marda. Māpet joika ājedon ini lespad sirkūli klifilas, kels sūmātons lū uts, kels zūons Saturni. Ābinons klifs at, ma nolavans, kels āfomons muni, kel nidon ūn dels at lōpū kaps obsik.

### JVEIZĀNANS BINONS TŪ VĀTIKS

Jveizānan alik kilid binon tu vātik, jonon dilet nulik. Stad manas binon badikum, ka ut vomas. Valemo, voms lofūdayulopik, zānodamelik e jināgārs Ļamerikānik pladulons grupis pōpa, kels suvikūno binofs tu vātiks.

### VISITOLŌS DIVIS GLŪGA LOMO

Mused ela „Vatican” eregistarōn magodatanili, kel jonon topi bal klānikūn ela „Vatican,” sevabo : lōdādōmi papala in Ledom Paostolik. Magodatanil at binon dil sōkoda nulik magodatanilas degvel, kel bepenon divis museda, jenavi ela „Vatican” e nātūkami freskodas in temūl papala ela „Sixtus.”

### LISLADEĀNANS NEMUİKŪN

Num Lisladeānanas eglofon soaliko me 1.026 (0,38 dōtum). Glof pōpik at binon nemuikūn sis yel 1900. Ūn yel 1994 pōp eglofon me 0,70 dōtum; glof pōpik zānedik degyela pasetik ābinon 1,01 dōtum a yel.

### LIUNŪLAMILT

Profāsoran Danānik in Niver zifa Copenhagen eplonom dilekanefe nivera bundani tumōdik liunūlas in gased niverik. Sagom, das in lartūg okik, kel ālabon lienis 170, ininūkoy liunūlis 43. Ma profāsoran, somikos itupos ninādi nolavik lartūga. Dilekanef ārefudon ad dasumōn ploni omik. In lartūg nulik pro gased fa profāsoran, dabinons nemu liunūls luidēg a liens 126 !

### KOEF ME TELEFON

Bū yels anik ākanoy koefidōn oki me telefon. Pādan katulik Lireyānik ālofom dūnoti somik dū dūps teldegfol a del. Āpeloy pauni bal a minut. Mon pigaenōi epelon nātūkami glūga Lireyānik.